



**ՀՀ ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆԻ
Ո Ր Ո Շ ՈՒ Մ**

**ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ ՊԱՏԱՍԽԱՆՈՂԻՑ
ԱՊԱՑՈՒՅՑՆԵՐ ՊԱՀԱՆՋԵԼՈՒ ՄԱՍԻՆ**

26-ը հունվարի 2024թ.

ք.Երևան

Երևան քաղաքի առաջին ատյանի ընդհանուր իրավասության քաղաքացիական դատարանը /դատավոր Ա. Մկրտչյան/, ուսումնասիրելով «Լոկատոր» ՓԲ ընկերության հայցադիմումն ընդդեմ ՀՀ ներքին գործերի նախարարության՝ պատասխանողին «Պետության կարիքների համար ծառայությունների մատուցման գնման թիվ «Ո ԵՄԾՁԲ-23-ՍՊԱՍԱՐԿՈՒՄ-2023» պայմանագրի և թիվ 1 համաձայնագրի հիման վրա 2023թ. նոյեմբեր ամսին մատուցված ծառայություններն ընդունել և դրա դիմաց 15999300 ՀՀ դրամ վճարել պարտավորեցնելու, պատասխանողի կողմից «Ո ԵՄԾՁԲ-23-ՍՊԱՍԱՐԿՈՒՄ-2023» պայմանագրի լուծումը անվավեր ճանաչելու և որպես հետևանք՝ պատասխանողին 2023թ. դեկտեմբեր ամսվա մասով՝ 16532700 ՀՀ դրամի չափով պատճառված վնասը հատուցել պարտավորեցնելու և սպահմանված կարգով պատասխանողին «Պետության կարիքների համար ծառայությունների մատուցման գնման թիվ «Ո ԵՄԾՁԲ-23-ՍՊԱՍԱՐԿՈՒՄ-2023» պայմանագրի հիման վրա «Լոկատոր» ՓԲԸ հետ մինչև պայմանագրով սահմանված ժամկետի ավարտը պարտավորեցնելու պահանջների մասին:



Հայցադիմումը ներկայացվել է 12.01.2024թ. դատավոր Ա.Մկրտչյանին մակագրվել և աշխատակազմին է հանձնվել 17.01.2024թ.:

Դատարանի 22.01.2024թ. որոշմամբ հայցադիմումը վերադարձվել է:

Հայցվորի կողմից Դատարանի արձանագրած թերությունները վերացվել են և հայցադիմումը կրկին ներկայացվել է 24.01.2024թ., և դատավոր Արամ Մկրտչյանի աշխատակազմին է հանձնվել 25.01.2024թ.:

ՀՀ քաղաքացիական դատավարության օրենսգրքի 234.5 հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

Նույն օրենսգրքի 234.6 հոդվածի 2-րդ մասի համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման

գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Նույն օրենսգրքի 234.8-րդ հոդվածի 1-ին մասի համաձայն՝ գործին մասնակցող անձինք և նրանց ներկայացուցիչները դատական նիստի ժամանակի և վայրի, ինչպես նաև սույն օրենսգրքով նախատեսված դեպքերում առանձին դատավարական գործողություններ կատարելու մասին ծանուցվում են էլեկտրոնային հաղորդակցության միջոցով ծանուցագրերը և այլ փաստաթղթեր սույն օրենսգրքի 97-րդ հոդվածով սահմանված կարգով հայցադիմումում նշված էլեկտրոնային փոստին ուղարկելու եղանակով:

Ղեկավարվելով ՀՀ քաղաքացիական դատավարության օրենսգրքի 124-րդ, 125-րդ, 234.5-րդ, 234.6-րդ, 234.8-րդ, 188-րդ, 199-րդ, 200-րդ հոդվածներով, Դատարանը

Ո Ր Ո Շ Ե Ց

Հայցադիմումն ընդունել վարույթ, հայցադիմումի ներկայացման օր համարել 12.01.2024թ.: Եզրափակիչ դատական ակտի հրապարկման օր սահմանել 2024թ. մարտի 15-ը:

Կողմերի ծանուցումն իրականացնել էլեկտրոնային հաղորդակցության միջոցով՝ հայցադիմումում նշված էլեկտրոնային փոստի հասցեներին ուղարկելու եղանակով:

Պատասխանող ՀՀ ներքին գործերի նախարարությունից պահանջել որոշումն ստանալու օրվանից հնգօրյա ժամկետում Դատարանին ներկայացնել «Ո ԵՄԾՁԲ-23-ՍՊԱՍԱՐԿՈՒՄ-2023» ծածկագրով գնման ընթացակարգի՝ իր տիրապետության ներքո բոլոր ապացույցները:

Որոշումն ուժի մեջ է մտնում ընդունման պահից և բողոքարկման ենթակա չէ:



ԴԱՏԱՎՈՐ

Ա. ՄԿՐՏՅԱՆ